

Interview



str. 3

**Senka
Balorda**



**Sajam
zapošljavanja
Zenica 2011**

U Zenici je u Gradskoj Areni početkom mjeseca oktobra održan Sajam zapošljavanja Zenica 2011

str. 7



**Tajan uskoro
najprivlačnija
mikrodestinacija**

Osnovna ideja projekta jeste ponuditi prirodni lokalitet parka prirode Tajan kao turistički proizvod na tržištu

str. 8



**Nove
aktivnosti
Škole sporta**

Polaznici Škole sporta iz Zenice tokom oktobra imaju priliku proći i obuku plivanja

str. 13

**VAŠ PROZOR
U SVIJET**

TELEKABEL

Uvođenjem najsavremenijih IT tehnologija opet pruža više i brže!

HIGH SPEED FLAT RATE KABLOVSKI INTERNET

Besplatno priključenje u roku od 24h

PAKETI

TINK MINI

Download / Upload

1 Mbps / 256 Kbps

KM

19.95

TINK

6 Mbps / 512 Kbps

29.95

TINK Business

6 Mbps / 1 Mbps

34.98

TINK Plus

10 Mbps / 1 Mbps

39.90

TINK Max

20 Mbps / 1 Mbps

49.80

**Prvi u BiH
TINK Extra**

50 Mbps / 2 Mbps

99.95



TELEKABEL
Štrosmajerova 14
72000 Zenica

Informacije na broju

032 / 446 110

Fax:

032 / 446 111

Posjetite naš portal
i saznajte više

www.tin.ba

Email:

info@telekabel.ba

* U sve naše cijene uračunat je PDV od 17%

Zbog korištenja EuroDocsis 3.0 tehnologije i postizanja običanih brzina (20 Mbps i 10 Mbps) korisnicima paketa TINK MAX i TINK PLUS treba da izvrše zamjenu modema i potpisu novi ugovor (na 12 mjeseci) u registriranim mještanskim predstavnicima.

Za korisnike budžetskih sredstava ZE-DO kantona materijal za termofasade na obročnu otplatu do 12 mjeseci



Mi znamo sa bojama!



InteDoma
ZENICA

Ulica ZAVNOBIH-a 78a, naselje BRIST
Tel: 032/407-987, Fax: 032/449-193, GSM: 061/841-524, 061/781-313



INTERVIEW
SENKA BALORDA,
ministrica zdravstva ZDK

Vlada ZDK u potpunosti je odbacila usklajivanje odluke o participaciji usluga u zdravstvu sa novom odlukom koju je u kantone uputila federalna Vlada.

SUPER Šta za stanovništvo znači ova odluka?

„Proces donošenja te odluke na sjednicama vlade je aktuelan već dvije godine, ali ona nikad nije oficijelno razmatrana, ni prihvaćena ni odbijena.

Pokrenula sam inicijativu da ovo ozbiljno razmotrimo i donešemo konačnu odluku. Kategorije su definisane, ali se odluka mora doraditi kada su u pitanju finansijski iznosi. Sada radimo na tome, i mislim da je i u tom dijelu dat maksimum kada je u pitanju participacija po pojedinim pregledima. Plan je uskladiti te iznose na nivou kantona, na način da se koriguju cijene pojedinih usluga i zdravstvena zaštita približi svom stanovništvu.“

SUPER Lista čekanja u ovim ustanovama je priča za sebe?

„Istina. U ambulantama porodične medicine lista čekanja je bila najspornija. Ljudi su strašno dugo čekali na pregled. Sada smo kretnuli u pravcu rasterećenja liste čekanja, u smislu da specijalisti koji rade u primarnoj zdravstvenoj zaštiti pišu recepte. U tom slučaju, pacijenti ne bi više nakon uputnice specijalisti i čekanja tamo, ponovo čekao kod porodičnog ljekara samo da bi dobio recept za redovnu terapiju. Najnovija odluka je da za stabilne hronične pacijente ljekari potpisuju tromjesečni recept. To znači da pacijent jedanput u tri mjeseca ide na kontrolu i dobija recept za svoj lijek. Bitna novost je i to da smo dali set obaveza koje ljekar u porodičnoj medicini mora da odradi i ispoštuje, jer već krajem ovog mjeseca jedna ekipa Kantonalnog zavoda javnog



zdravstva, Fonda i ja idemo u obilazak ambulanti porodične medicine koje, ako su zadovoljile status, imaju priliku da budu nagrađene. U pitanju je novčana nagrada u vidu 13. plate. Ukoliko su pacijenti nezadovoljni i ljekar ili i Dom zdravlja nisu ispunili svoje uvjete, ambulanta može izgubiti status ambulante porodične medicine. To će biti onda ambulanta opće prakse koja se automatski ne finansira iz Fonda. Mislim da je dobar potez sa federalnog nivoa da se daju stimulativne mjere kako bi ljudi kvalitetnije radili svoj posao“

SUPER Na tematskoj sjednici kantonalne Vlade istaknuto je kako nedostaje određeni broj ljekara na području ZDK?

„Nedostaje nam 70 ljekara porodične medicine u ZDK, a taj broj ne možemo tako brzo

nadoknaditi. Još jedna kvalitetna odluka sa federalnog nivoa je da svaki mladi ljekar koji završi medicinski fakultet i polazi državni ispit mora godinu dana raditi u porodičnoj medicini, i tek nakon toga može razmišljati o specijalizaciji i promjeni radnog mesta. Mi na kantonu nemamo ljekara na Birou za zapošljavanje, ali Sarajevski kanton ima njih 53-obje“.

SUPER Jedna od bitnih mera koju je uradilo ministarstvo je laboratorija?

„Pacijenti iz drugih gradova ZDK više ne moraju dolaziti u Zenicu radi obavljanja laboratorijske dijagnostike. Ono što laboratorije u drugim gradovima mogu da urade, to i završe, a za ostale pretrage uzorci se šalju u zeničku bolnicu. To je jedan veliki pomak u olakšavanju procesa liječenja svim pacijentima.“

SUPER Šta je sa zlatnih 120 minuta?

„Zlatnih 120 minuta je period u kojem pacijenti koji imaju akutni infarkt moraju biti transportovani u jedan od centara u Sarajevu, Tuzli, Banja Luci ili Mostaru, jer je to period u kojem mu se može spasiti život. Dakle, bez odobrenja, bez uputnice, svi imaju odriješene ruke da pacijenta sa akutnim infarktom šalju na kliniku za srce“.

SUPER Šta je sa esencijalnom listom liječnika koja bi trebala, kako saznamo, biti jedinstvena na federalnom nivou?

„Esencijalna lista će biti ista i obavezujuća za sve kantone, s tim što svaki kanton ima pravo da napravi korekcije prema dijelu pacijenata koji imaju specifične bolesti vezane za taj prostor. Nakon izbacivanja federalne liste, moja namjera je da formiram komisiju od ljekara koji će raditi na dodatnom dijelu liste za ZDK“.

Foto Express Kratina

Tel/fax: 032 404 778

kratina@bih.net.ba

www.digilot.ba

**NAJJEFTINIJE
FOTOGRAFIJE U GRADU !!!**

Naši poslovni objekti u Zenici:

Poslovni 1: Biznis centar Aksa Radno vrijeme od 8 do 20 h

Nova poslovница

Poslovni 2: Maršala Tita 57 (Kameni most) Radno vrijeme od 9 do 21 h

FOTOGRAFIJA
Formata 10x15cm

0,18 KM



Toplana u Nemili

Načelnik Općine Zenica Husnjin Smajlović i direktor češke kompanije "Mevos" Josef Pikola potpisali su ugovor o saradnji na projektu "Upotreba obnovljivih resursa energije za sistem centralnog snabdijevanja toplotom u Mjesnoj zajednici Nemila". To podrazumejava izgradnju toplane na biomasu sa pratećom infrastrukturom u periodu 2011. do 2013. godine. Na osnovu memoranduma koji su potpisale iste strane u julu Vlada Češke Republike za realizaciju je odobrila grant u iznosu 1,48 miliona eura. Projekt predstavlja prvu fazu izgradnje sistema centralnog grijanja u Nemili, kapaciteta tri MW toplotne energije. Ovom fazom se predviđa priključenje javnih objekata, kao što su osnovna škola, Dom zdravlja, Policijska stanica, Društveni dom i privatni objekti koji se nalaze



u blizini toplovodnih trasa. Sistem centralnog grijanja s kotlovcem na bazi biomase će smanjiti broj lokalnih izvora toplote koji koriste goriva niskog kvaliteta, što će značajno doprinijeti poboljšanju kvaliteta zraka i zdravlja stanovništva u Nemili. U prvoj fazi radi se o tri MW toplotne energije sa mogućnošću nadogradnje, te postoji mogućnost da se pokrije i cijelo naselje u kojem živi oko 3.000 stanovnika od čega 850 porodica. Procesom će upravljati JP Grijanje Zenica.

Obilazak gradilišta Musala

Načelnik općine Tešanj Fuad Šišić sa saradnicima, u društvu investitora, vlasnika firme Farex d.o.o., Fahrudina Kadušića obišao je gradilište kompleksa *Musala* - Biblioteka, fiskulturna dvorana, parking, stambeno-poslovni blok. Investitor je završio postavljanje fasade na stambeno-poslovnom objektu (pored ceste) prema zadanim rokovima, a slijedi i nastavak uređenja fasade na preostalom dijelu zgrade. Završena je i javna nabavka za uređenje platoa ispred, što je bila obaveza Općine, i u narednih mjeseci dana se očekuje završe-



tak radova. U naredom periodu ostaje obaveza Općine Tešanj da osigura sredstva za nastavak radova na fiskulturnoj dvorani i zgradi Biblioteke. Također, ovom prilikom Općinski načelnik je obišao i kulturno-historijski spomenik *Musala*, gdje su radovi u završnoj fazi

Novi početak za Krivaju

Pogoni zavidovičke Krivaje nakon gotovo pola godine pauze 19. oktobra su ponovo aktivirani. Na posao je pozvano 513 od ukupno 1.200 radnika. Strojevi su pokrenuti u pogonima Energetike, Furnirnice, Parketare i Pilane. Krivaja je kako smo saznali uvedena u sudski registar kao državno preduzeće. Od 19. oktobra 2011. godine počinje neki novi start ko-



lektiva koji je od završetka ratnih sukoba prekidao proizvodnju nekoliko puta, mijenjao vlasnike i prolazio kroz štrajkove.

Kako napisati propratno pismo



Propratno pismo je dokument koji prati vaš CV kada se prijavljujete za posao. PP je veoma kratko (200-250 riječi) a njegov cilj je da uvede poslodavaca u vaš CV, da ukaže na aktivnosti i karakteristike koje su od posebnog značaja za prijavu.

Forma PP-a ima formu poslovnog pisma: vaša adresa i kontakt informacije dolaze ispod vašeg imena u desnom gornjem uglu stranice. Ispod toga sa lijeve strane napišite ime osobe kojoj se obraćate, funkciju i organizaciju u kojoj radi. Ukoliko nemate ime kontakt osobe, pismo adresirajte samo na kompaniju.

PP ne treba da ima više od četiri pasusa.

- Cilj prvog je da naglasi za šta se prijavljujete i gdje ste dobili informacije o konkursu.
- U drugom pasusu treba nvesti kvalifikacije i vještine koje


posjedujete (vještine prezentacije, komunikacije, pregovaranja...) koje vas čine pravom osobom za taj posao.

- Treći pasus pokazuje zašto želite taj posao. Na vama je da pokažete jaku motivaciju i sposobnost da doprinesete radu konkretnе organizacije.
- Posljednji pasus naglašava da ste voljni da poslodavcu detaljnije objasnite i pokazete svoje kvalitete prilikom intervjua.

Na kraju PP-a navedite mjesto i datum pisanja pisma. Ispod toga takstativno navedite koje dokumente prilažete uz prijavu. Ukoliko prijavu šaljete poštom, PP stampajte na bijelom papiru isto kao i vaš CV i stavite u bijelu kovertu. Nije preporučljivo štampanje na papirima druge boje osim bijele boje i upotrebljavanje drugih boja slova osim crne.

Umro Žarko Mijatović

Sa bh. teatarske scene za vrijek je otisao još jedan njen bard, dugogodišnji prvak drame i umjetnički rukovodilac Bosanskog narodnog pozorišta Zenica, glumac Žarko Mijatović. Iza njega su ostale brojne teatarske, televizijske i filmske uloge koje su svoju umjetničku potvrdu i društvenu valorizaciju dobine, između ostalog, i Dvadesetsedmojulskom nagradom, Nagradom grada Zenice, Zlatnim Iovorovim vijencem Internationalnog festivala MESS i brojnim drugim društvenim i umjetničkim priznanjima i nagradama. Njegov odlazak sa ovog u bolji svijet, u vječnost, predstavlja nenadoknadiv gubitak za bo-



sanskohercegovačko glumište, teatarsku umjetnost i kulturu u cijelini. Komemorativni skup povodom smrti Žarka Mijatovića održan je u Bosanskom narodnom pozorištu Zenica, a сахрана на groblju Crkvice u Zenici.

Priznanje i za Treasure

Na proteklom sajmu ZEPS 2011 dodijeljena su priznanja 18. Generalnog sajma ZEPS 2011. i Osmog međunarodnog sajma metala ZEPS Intermetal. Grand prix "Ruža ZEPS-a", najviše priznanje za nastup koji je obilježio sajam, ove godine je dodijeljeno Vladi Zeničko-dobojskog kantona. Učesnicima sajma ZEPS dodijeljena su i priznanja za proizvod, kolekciju proizvoda, te promociju proizvoda, ukupno 18 ravnopravnih priznanja. Odlukom Žirija dodijeljena su priznanja u kategoriji proizvod i promocija. Dobitnici ravnopravnih priznanja za proizvod su: MPD Tvorница pumpi Daruvar,



Slevarna pilana Hulin i Termomatik Zenica, a za promociju: HTZ Velenje, Euro Prost Mirićina i Treasure Zenica. Iz zeničkog Treasura upućuju zahvalnicu preduzeću BPanel d.o.o. iz Zenice, koje je, naglašavaju, „znao prepoznati naše želje i svojim vizijama izraditi dobitnički stand“.

Posjeta firmi Napredak

Načelnik općine Tešanj Fuad Šišić sa saradnicima posjetio je firmu Napredak, i u razgovoru sa direktorom Amirom Šišićem saznao trenutne aktivnosti ove firme, kao i planove za naredni period. Ovom prilikom, direktor Šišić delegaciju je upoznao sa investicijama u koje ulaze ova firma kako bi uslovi rada, a samim tim i uslovi za kupce, bili bolji. Općinski načelnik je izrazio zadovoljstvo činjenicom da je firma Napredak nakon preuzimanja većinskog paketa dionica od strane firme AS promijenila



poslovnu filozofiju i od jedne veoma loše tržišne pozicije došla u poziciju koja ohrabruje i daje nadu. Inače, firma Napredak posluje sa poznatim svjetskim brendovima, kao što su Burberry, Pierre Cardin, S.Oliver, i mnoge druge.

Nova vozila za MUP ZDK

Ispred sjedišta MUP-a ZDK izvršena je primopredaja vozila koje je kantonalna Vlada nabavila za potrebe Ministarstva, odnosno njegovih jedinica. Tako je organizacionim jedinicama ovog Ministarstva na korištenje predato 20 vozila Škoda Octavia i dva policijska kombi vozila, tzv marice. Klijučeve su simbolično uručili ministar unutrašnjih poslova Rifat Delić i policijski komesar Fahrudin Bećirović, a ceremoniji je prisustvovao i premijer ZDK Fikret Plevljak. „Ove godine smo uradili značajne projekte, prije svega mislim na nabavku novih uniformi



za sve policijske službenike koje su rađene po jedinstvenom pravilniku o uniformi kakva će biti na prostoru Federacije BiH. Dosta je kvalitetnija od dosadašnjih, a samim tim i dosta skupljia. Nabavljena su nova četiri laserska radara, alkometri, poligrafi, 110 novih računara i druga oprema., kazao je ministar MUP-a ZDK Rifat Delić.

DUAL WISP
INTERNET SERVICE PROVIDER



Bežična mreža „DUAL WISP“ u Zenici i Zavidovićima



HIT JESENJI PAKETI

AirDSL 802.11a/n 5 Ghz

Paket	Promet	Brzina	Cijena
AirDSL 2048	Flat rate	2048/256 kbps	26,50 KM
AirDSL 3072	Flat rate	3072/384 kbps	29,50 KM
AirDSL 4096	Flat rate	4096/512 kbps	39,50 KM
AirDSL 6144	Flat rate	6144/512 kbps	60,00 KM

POSEBNA PONUDA 19,50 KM

AirNET 1024 Flat rate 1024/128 kbps 19,50 KM

* U cijene je uračunat porez na dodatu vrijednost.

**DUAL WISP,
Vision d.o.o. Zenica**

Huseina Kulenovića 2, RK Zeničanka 2.sprat

72000 Zenica

info@dual.ba

Zenica: +387-63-29-95-51;

Zavidovići: +387-63-29-95-53

Dan Općine Žepče


U svečanom ozračju i uz brojne goste obilježen je Dan općine Žepče, koja se prvi put u pisanim dokumentima spominje 14. 10. 1458. godine. Tim povodom održana je svečana sjednica Općinskog vijeća Žepče kojoj je prethodilo polaganje vjenaca. Općinski načelnik Mato Zovko, čestitajući Dan općine svim Žepčacima, naglasio je kako je ponosan da je Žepče ostalo mirna i sigurna sredina, da nije nikome tjesna i da svi imaju svoje mjesto. "Vrlo je važno da izvršna i zakonodavna vlast u Žepču funkcionišu uz razumijevanje i uvažavanje svih, i siguran sam da je općina Žepče jedna od rijetkih općina s ovolikim postotkom zastupljenosti naroda u svim segmentima lokalne zajednice", kazao je Zovko. Osvrćući se na gospodarski razvoj općine u proteklom razdoblju istakao je kako i općinu Žepče nije mimošla svjetska ekonomска kriza, ali da uprkos tome nastavlja sa izgradnjom infrastrukturnih objekata, kao što je sportska dvorana te broj-



održan je i koncert u okviru manifestacije 41. Varaždinske barokne večeri. Uz Mađarsku, Austriju i Slovačku ove je godine BiH, odnosno grad Žepče, bio domaćin umjetnika koji su nas svojim stvaralaštvom i glazbom vratiti u doba barokne raskoši. Ansambl Camerata Garestin, koji je tu večer oduševio mnogobrojnu publiku, okuplja vodeće hrvatske vokalne i instrumentalne interprete muzike 17. i 18. stoljeća. Ravnatelj JU „Dom kulture“ Žepče, Marinko Kelavić iskoristio je ovu svečanu manifestaciju i uručio zahvalnice svim ljudima i institucijama koji doprinose razvoju kulture u Žepču.

Izložba slika

U povodu Dana općine Žepče, JU „Dom kulture“ Žepče upriličila je otvaranje Izložbe slika autora Ismeta Čahtarevića. Prekrasne slike ovog žepčkog slikara izložene su u PSC „Libertas“ u Žepču. Na početku otvaranja izložbe prisutnim se obratio i ravnatelj JU „Dom kulture“ Žepče Marinko Kelavić koji je izrazio veliko zadovoljstvo povodom svih kulturnih manifestacija koje se održavaju u gradu Žepču, izložbu je otvorio načelnik općine Žepče, Mato



Zovko. Čahtarevićev stil je prepoznatljiv, ali ovaj put nudi nam sasvim nov način likovnog izraza. Svoje radove izlagao je više puta na samostalnim i kolektivnim izložbama u Žepču, Zavidovićima, Tesliću, Tešnju, Zenici, Usori i Sarajevu. Njegove slike danas uljepšavaju brojne domove u BiH i inostranstvu.

ne prometnice koje povezuju gradsko središte s ruralnim područjem. Ujedno je spomenuto i brojne donatore koji su u posljednje vrijeme započeli svoju suradnju s općinom Žepče. Općinski načelnik uručio je zahvalnicu GAP-u Projektu upravne odgovornosti, te poхvalnice HKUD-u „Ognjišta“ Lug Branković, Udrizi poduzetnika i poslodavaca Žepče i pčelaru Nedžadu Mulabdiću.

Ovim povodom, u organizaciji JU „Dom kulture“ Žepče, u kino dvorani „Doma kulture“

Sajam zapošljavanja Zenica 2011

U Zenici je u Gradskoj Areni početkom mjeseca oktobra održan Sajam zapošljavanja Zenica 2011. Sajam je organizovala JU Služba za zapošljavanje ZDK u saradnji sa Federalnim zavodom za zapošljavanje. Interesovanje za ovaj Sajam zapošljavanja bilo je izuzetno veliko. Sajam se sastojao od dvije aktivnosti, i to Okruglog stola, i Sajma zapošljavanja održanog dan poslije.

Okrugli sto

Tema održanog Okruglog stola je bila „Stanje u oblasti zapošljavanja u ZDK“. Jedan od ciljeva organizovanja Okruglog stola je i unaprijeđenje saradnje između ključnih partnera na tržištu rada i to: poslodavaca/privrednika; Službe za zapošljavanje ZDK; Federalnog zavoda za zapošljavanje; Agencije za rad BiH; općinskih vlasti; Ministarstva rada, socijalne politike i izbjeglica ZDK; Ministarstva obrazovanja, nauke, kulture i sporta ZDK; Ministarstva za privredu ZDK; Privredne komore ZDK, nevladinog sektora, i sl.



jer nije bilo neophodno prijaviti se za određeni posao da bi prisustvovali Sajmu.

Broj predatih aplikacija

Prema broju kojeg su poslodavci upisali na upitniku o zadovoljstvu sajmom zapošljavanja, broj predatih aplikacija za oglašena slobodna radna mjesta je iznosio 967, uz napomenu da su podaci prikupljeni u toku sajma, a ne na samom kraju istog, tako da brojke nisu konačne. Broj predatih aplikacija za oglašena slobodna radna mjesta ukupno iznosi 2197, što, vjerujemo, nije konačna brojka.

Pored upoznavanja sa poslodavcima, osobe u potrazi za zaposlenjem imale su priliku da učestvuju u edukativnim radionicama i saznaju mnogo korisnih informacija

potrebnih u procesu traženja posla. Na sajmu je održano ukupno 10 radionica, i to: tri radionice na temu pisanje CV-a, tri radionice na temu razgovor sa poslodavcem, dvije radionice na temu tehnike aktivnog traženja posla,



i dvije radionice na temu individualni plan zapošljavanja. Nezaposlenim osobama iz Zenice su navedene radionice dostupne svakodnevno, dok su za ostale biroje rada planirane posjete na mjesечноj osnovi s ciljem izvođenja radionica.

Nakon održanog Sajma, provedena je anketa među poslodavcima koji su uzeli učešće na Sajmu, koja pokazuje zadovoljstvo poslodavaca organizacijom Sajma zapošljavanja, posjetom nezaposlenih osoba i ostvarenim kontaktima sa potencijalnim budućim zaposlenicima. S druge strane, provedena anketa sa nezaposlenim osobama koje su učestvovali u Sajmu zapošljavanja uglavnom je pokazala zadovoljstvo organizacijom Sajma zapošljavanja, prezentiranim sadržajem i izlagачima na Sajmu zapošljavanja, dobijenim informacijama o slobodnim radnim mjestima i kontaktima sa poslodavcima.

Činjenica da je jako veliki broj nezaposlenih ljudi svih nivoa stručnih spremu u ZDK iziskuje konstantno unaprijeđivanje komunikacije između nezaposlenih i poslodavaca, kao i usklađivanje potreba ponude i potražnje već kod samog planiranja školovanja kadra za određenu stručnu spremu. Kantonalni biro za zapošljavanje za nezaposlene kontinuirano pruža nove načine podrške pri traženju posla, pa se nadamo da će i Sajam zapošljavanja i u godinama koje dolaze ostati dio ove dobre prakse.



Na okruglom stolu je bilo prisutno 12 izlagača i 63 gosta, koji su konstruktivno iskoristili vrijeme predviđeno za diskusiju, te postavljali pitanja izlagačima.

Sajam zapošljavanja održan je dan poslije Okruglog stola u terminu od 10:00 do 16:00 sati. Ukupan broj poslodavaca koji su uzeli učešće na sajmu je bio 52, a ukupan broj oglašenih slobodnih radnih mesta je 934.

Pruženu priliku da svoje biografije i prijave predaju poslodavcima iskoristilo je 563 osoba iz Zenica, a iz drugih gradova Zeničko-dobojskog kantona njih 601. Međutim, ove cifre ne pokazuju konačan broj posjetilaca Sajma zapošljavanja,



Tajan uskoro najprivlačnija mikrodestinacija



www.zedoturizam.ba

Delegacija Europske Unije u BiH je u avgustu 2010. godine Turističkoj zajednici Zeničko-dobojskog kantona i partnerima u projektu Općini Zavidoviće, JP Šumsko privredno društvo ZDK i SNIK «Atom» dodijelila sredstva u iznosu od 350.000 eura za realizaciju projekta «TAJAN – Tourism, Adventure, Joy, Attrac-


tions, Nature». Ukupna vrijednost projekta, zajedno sa finansijskim učešćem partnera, iznosi 468.000 eura.

Osnovna ideja projekta jeste ponuditi prirodni lokalitet parka prirode Tajan kao turistički proizvod na tržištu, koji će biti jedinstveno iskustvo posjetiocu i doprinijeti povećanju ekonomske koristi za lokalno stanovništvo. Tokom ovog procesa, strogo će se voditi računa da se izbalansiraju potrebe razvoja destinacije sa potrebama očuvanja okoliša.

Turistička zajednica Zeničko-dobojskog kantona, u saradnji sa partnerskim organizacijama, radi na izradi turističkog proizvoda, kombinirajući tri glavna seta aktivnosti: razvoj turističke infrastrukture, koordinaciju i razvoj ljudskih resursa, te segmentaciju tržišta, odnosno uspostavljanje veza sa cilnjim tržištima.

Kombinacija treninga i razvoja infrastrukture će obogatiti turističku ponudu Tajana, a marketinške aktivnosti zajedno sa promotivnim događajima će kontribuirati poboljšanju imidža o Tajanu kao turističkoj destinaciji.

Ovakav pristup će obezbjediti nastup na



novim tržištima (promatranje divljine, biciklizam, planinarenje, hodanje na krpljama, avantura, speleološki događaji, ekoturizam, događanja i drugo), te povećati tržišni udio destinacije na domaćem, regionalnom i međunarodnom tržištu, pa samim tim i udio BiH na regionalnom i međunarodnom tržištu.

Krajnja ideja projekta u dugoročnom smislu je kreiranje modela održive turističke destinacije za Tajan, koji će omogućiti lokalnim upravljačima i vlasnicima da unaprijede ovaj proizvod, da stvaraju nove proizvode i sistemski promoviraju destinaciju.



Od početka realizacije Projekta pa do danas, završene su sve obuke koje su predviđene, i to: edukacija na temu „Razvoj turizma baziran na potrebama zajednice“, obuka za odabrane Bed&Breakfast pružaoce usluga, obuka za planinske vodiče, obuka za članove GSS, što je rezultiralo certificiranjem 10 planinskih vodiča međunarodno priznate «A» kategorije, te 11 certificiranih gorskih spasilaca. Također, nabavljena je oprema za GSS spasavanje, speleo oprema i 25 bicikala za brdski bicikлизam koji će biti na raspolaganju turistima koji budu dolazili da uživaju u ljepotama Tajana. Na Tajanu je, u mjesecu maju, održana biciklistička utrka «Tajan 2011.» na kojoj je učestvovalo 55 takmičara i 25 rekreativaca, a u junu je održan devetodnevni speleo kamp u kojem je učestvovalo 29 istraživača iz Bosne i Hercegovine i Hrvatske.

Jedna od važnijih projektnih aktivnosti koja će uveliko poboljšati atraktivnost, kao i sadržaj ponude Tajana, jeste **razvoj integrisanog sistema planinskih staza** pod nazivom „Tajan tour“,

i do danas je markirano ukupno 182 km staza za razne namjene (planinarenje, bicikлизam i turno skijanje). Razvoj i markiranje staza se vrši u skladu sa propisima koje je izdala Komisija za planinarske puteve BiH, a poštujući Zakon o šumama FBiH, kao i Zakon o zaštiti okoliša FBiH. **Sve staze su pokrivene GPS navigacijom, što je svakako jedinstveno na našem području.**

Bitan set aktivnosti koje se realizuju u sklopu Projekta je svakako izgradnja infrastrukture. To su sanacija jezera Mašica, sanacija staza do pećina, unutrašnje uređenje pećine „Srednja stijena“ i sanacija ulaza u pećine „Srednja stijena“ i „Lukina pećina“, te izgradnja Turističkog informacionog centra, potom izgradnja osmatračnica za posmatranje i fotografisanje divljači na području Tajana i eko kompostnih toaleti.

Trenutno se na Tajanu rade staze do pećina, vrši se sanacija jezera Mašica i njegovo vanjsko uređenje, te se završava unutrašnje uređenje pećina. Ove sedmice počinje izgrad-

nja Turističkog informacionog centra, kao i osmatračnica i eko kompostni toaleti.

Uporedo sa edukacijom, nabavkom opreme i infrastrukturnim radovima, radi se na marketing promociji u vidu uspostavljanja saradnje sa turističkim agencijama, s ciljem osiguranja provođenja aktivnosti koje oslikavaju potrebe i očekivanja turista. Turističke agencije koje se bave incoming turizmom već su pokazale interes da djeluju kroz uključivanje u planiranje aktivnosti na Tajanu. Uključenost turističkih agencija će dugoročno rezultirati planiranjem i kreiranjem akcija koje su tržišno orientirane, a koje su dobre za zaštitu spomenika prirode.

Po završetku navedenih aktivnosti u vidu izgradnje planirane infrastrukture, planirana je agresivnija marketinška promocija tokom 2012. godine koja će nesumljivo dovesti veliki broj kako domaćih, tako i inostranih turista. Planirano je sedam različitih promotivnih događaja, koji će destinaciju Tajan učiniti vidljivijom za, prvenstveno domaće, ali i za strane turiste.

Sanacija jezera



Staze do pećina



Vanjsko uređenje jezera



Talentirani Ammar

Da je naša zemlja prepuna talenta u koje vrijedi ulagati i koje vrijedi podržavati, dokaz je i mladi Ammar Biser. Ammar je bio najbolje plasirani bosanskohercegovački takmičar prvog Međunarodnog festivala gitara u Sarajevu u četvrtoj kategoriji, za koju je nagrade obezbjedila muzička fondacija D'Addario, te je dobio besplatne časove ljetne škole kod prof. Xhevjeta Sahaxhije na Braču. Učenik je Srednje muzičke škole u Zenici, a već je u 2010. i 2011. godini održao koncerte u Zenici, Goraždu, Busovači i Sarajevu. Ammar se trenutno priprema za takmičenje u Banja Luci, Sarajevu i Beogradu, a nedavno je kao



mladi talentovani gitarista pozvan da učestvuje na koncertu Sarajevske filharmonije, kao gost Almera Imamovića, međunarodno priznatog gitariste, kompozitora i aranžera, jednog od vodećih umjetnika i muzičara svoje generacije. Ammar je učestvovao u izvedbi kompozicije od A. Vivaldi: Koncert za dvije gitare.

Susret sa penzionerima

Povodom obilježavanja Dana penzionera u Tešnju, Općinski načelnik je primio delegaciju Udruženja penzionera Tešanj na čelu sa Predsjednikom Ismetom Dizdarevićem. Sastanku su prisustvovali i direktori zdravstvenih ustanova Opća bolnica i Dom

zdravlja Tešanj. Delegacija penzionera se zahvalila Općini Tešanj na razumijevanju i podršci, te istakla ovaj odnos kao pozitivan primjer u ZDK. Delegacija je uputila zahvalnicu i Općoj bolnici i Domu zdravlja koji su pokazali puno razumijevanja za penzionere.

VELIKI SAJAM

OPPEN-S

SAJAM ORGANSKE I POLJOPRIVREDNE PROIZVODNJE I ETNO NARODNOG STVARALAŠTVA

od 09 do 12.11.2011.g.
Trg ispred robne kuće Bosna **ZENICA**

Sponzor: ASOCIJACIJA ORGANSKIH PROIZVODAČA ZDK
Partneri sajma: SAVEZ UDRIJUŽENJA ASOCIJACIJA ORGANSKIH PROIZVODAČA FEDERACIJE BOSNE I HERCEGOVINE ANSAMBL «BOSNIA FOLK» Zenica ASOCIJACIJA MOSTOVI PRIJATELJSTVA BIH



U organizaciji Kantonalnog zavoda za javno zdravstvo, Služba za zdravstvenu ekologiju i higijenu, protekle sedmice održan je seminar posvećen proizvodnji, kvalitetu i cijenama namirnica kao relevantnim faktorima zdravlja. Seminar je namjenjem prvenstveno za zdravstvene profesionalce iz javnog zdravstva i higijensko-epidemioloških službi, za sanitарne, veterinarske i tržišne inspektore, predstavnike vladinih ustanova, nevladinih organizacija i preduzeća za proizvodnju, uvoz i promet životnih namirnica, a povod je obilježavanje 16. oktobra, Svjetskog dana hrane.

Načelnik kantonalne Službe za zdravstvenu ekologiju i higijenu i jedan od predavača na seminaru istakao je kako je neophodno prepoznati važnost domaće proizvodnje hrane, koja može osigurati dovoljne količine namirnica, obezbijediti kontrolu njihove zdravstvene ispravnosti, ali i kontrolu cijena, te tako omogućiti dovoljno zdrave hrane za široke slojeve stanovništva. Kada je zdravstvena ispravnost namirnica u ZDK u pitanju, ističe se trend značajnog poboljšanja mikrobiološke ispravnosti od 1997. godine.

Organizacija za hranu i poljoprivredu Ujedinjenih naroda – FAO objavila je zastrašujuću činjenicu da šestina čovječanstva gladuje, te da u svijetu trenutno živi najveći broj gladnih ljudi od 1970. godine.

Na dan se u svijetu baci preko 12 tona hrane, a istovremeno svake minute od gladi umre preko 25 ljudi.

U AUTOMOBIL SIPATE KVALITETNO GORIVO



ŠTA "SIPATE" U SEBE?

PAZITE NA SVOJU ISHRANU. ODABIROM ZDRAVE HRANE VIDNO POBOLJSAVATE ZDRAVLJE VASEG ORGANIZMA

16.10. SVJETSKI DAN HRANE

Izviđački kamp



Živjeti zajedno, naziv je izviđačkog kampa koji je nedavno održan u Lukavici kod Gračanice. Tri dana su učenici osnovnih škola učestvovali u radu nekoliko radionica, u kojima su sticali znanja iz nekoliko disciplina – topografija, ekologija, prva pomoć, signalizacija (slanje poruke na daljinu uz pomoć signalnih zastava), upoznavanje jestivog bilja u prirodi, te takmičenja u tradicionalnim skautskim i ekipnim sportskim disciplinama (odbojka, košarka, fudbal, strelnjaštvo). U lijepom ambijentu doline rijeke Lukavice najmlađi članovi odreda izviđača iz Tešnja, Šija, Tuzle, Dobojskog istoka, Lukavice, te dva odreda sa zeničke općine, iz Nemile i Orahovice, su se tokom svog boravka upoznavali i prijateljovali uz igru, pjesmu, i uz logorske vatre, savladavali izviđačka znanja i vještine, takmičili u sportskim i skautskim vještinama i obilazili prirodne znamenitosti ovoga kraja.

Izložbe u Visokom

U visočkoj galeriji „Likum 76“ otvorena je izložba „14. Anale BiH crteža – Mostar Grand Prix 2011“. Riječ je o izložbi radova umjetnika koji su se na ovom prestižnom tradicionalnom likovnom događaju predstavili bh. javnosti i ljubiteljima umjetnosti. Izložbu su otvorili Mensur Verlašević i Goran Antović, a otvorenju izložbe osim visočkih umjetnika koji su učestvovali na ovoj manifestaciji, pri-



sustvovali su i umjetnici iz Sarajeva i drugih gradova iz BiH. Predstavnici visočkih umjetnika na Analu BiH crteža bili su: Admir Ganić, Alen Đindo, Mensur Verlašević, te Mirza Mameledžija koji je sa radom „Stara ljubav zaborava nema“ kombinovanom tehnikom, olovka na papiru, osvojio Nagradu za klasični crtež „Mostar Grand Prix 2011“.

Hadžije



Grupa hodočasnika koji će u organizaciji Rijaseta Islamske zajednice BiH i preduzeća „Babić – Bisstours“ iz Zenice obaviti hadždž, njih 169, krenuli su iz Zenice put Saudijske Arabije. Na ovo vjersko putovanje dugo 5.500 kilometara do muslimanskih svetih mjesta, Mekke i Medine, krenuli su sa tri autobusa. Ispraćaju budućih hadžija prisustvovali su njihovi rodbini i prijatelji, te predstavnici Muftiluka zeničkog. Grupu čine hadžije iz osam općina sa područja Sarajevskog, Srednjebosanskog i Zeničko-dobojskog kantona. Prema programu ovog vjerskog putovanja na konačno odrediste bi trebali stići 22. oktobra. Najstariji putnik je 80-godišnja nana Mejra Tufekčić iz zeničkog sela Orahovica, a najmlađi 30-godišnji dr. Angel Koluh, inače zadužen i za lječarsku brigu o putnicima. Ukupno putuju 44 bračna para.

Superinfo vas educira Ovisnost je bolest

Niko od pacijenata Kantonalnog zavoda za borbu protiv bolesti ovisnosti Zenica u prvom momentu kada proba drogu ne zna gdje ih to odvodi uzimanje heroina, niti što će to na kraju biti sa njima, sa njihovim tjerljima, dušama, porodicama, prijateljima, ljubavima...

Kada dođu na liječenje obično nam govore: „Da sam znao/znala što će biti **NIKADA** ne bih uzeo/uzela!“

Spoznaja o tome da ti neka tvar vremenom oduzima sve, a da ti i dalje žudiš za tim prahom, nama koji to posmatramo, uslovno rečeno „sa strane“, djeluje iracionalno, nevjerojatno i samoubilački.

Objašnjenje za ovo čudno ponašanje se nađe već u samoj definiciji ove bolesti jer ovisnost jeste bolest. A definicija nam kaže:

Ovisnost je kronični recidivirajući poremećaj koji je karakteriziran sa tri glavna elementa:

- kompulzijom (nagonskom prisilom) prema traženju i uzimanju droge,
- gubitkom kontrole u ograničavanju uzimanja,
- pojavljivanjem negativnog emocionalnog stanja (npr. anksioznost, iritabilnost, disforija) kada se pristup drogama sprječi.



To je bolest nagona, motiva i volje.

Ova bolest prvo otruje i ubije sve normalne ljudske motive. Ovisnicima prestane biti važno da negdje rade, imaju platu, završe školu, budu prihvaćeni, vode ljubav, lijepo se obuku, a uskoro nije važno ni da se okupaju, pa čak ni da jedu.

Svi ovi normalni porivi su otrovani. Umjesto njih dominira samo jedna nevjerojatna želja – uzeti drogu! Ovisnost, osim toksičnosti prema svim normalnim ljudskim motivima, daje nevjerojatnu motivacijsku snagu za radnje koje služe da se nabave novci za drogu i da se droga konzumira. Čim se jedan krug završi drugi se zarotira. Nanovo krene trka da se novac nađe: preprodaju se stvari iz kuće, posuđuje, krade, prostituiše...pa se droga opet uzima.

Veoma brzo ove opsesivne radnje iscrpe svu životnu energiju, počinje sve više rasti strah od simptoma apstinencijalne krize i kajanje zbog pogrešne odluke da se droga proba. Više nije bitno uzeti drogu nego je bitno ne doživjeti simptome apstinencije, ne krizirati. U ovom momentu u svijesti ovisnika se polako počinje formirati osjećaj bespomoćnosti i tuge koji će sivilom prekriti sve druge emocije. Tada, lagano, radost nestane! Čini se – zauvijek.

Najčešće je ovaj momenat presudan po pitanju započinjanja liječenja.

Loš start

Košarkaši Leotara i Mladosti na otvaranju sezone u elitnom razredu bh.košarke pobjedili su anemčnu ekipu Čelika. Čelik je obje utakmice izgubio u posljednoj dionici mečeva. Zenički tim u kojem je bilo dosta promjena u odnosu na prošosezonski sastav, razočaran je svoje navijače i ako ovako nastavi, ovo će biti sezona u kojoj će se grčevito boriti za opstanak.



Karatisti briljirali

Mladi karatisti zeničkog Internacionala imali su uspješan nastup na međunarodnom takmičenju „Vogošća Open“ gdje su u konkurenciji 38 karate klubova sa preko 600 takmičara iz Bosne i Hercegovine, Hrvatske i Crne Gore, osvojili 10 medalja. Medalje su osvojili: Emina Pašanbegović i Alma Bećarević (bronzana, kategorija kate, djevojčice 9 godina); Ibrahim Šehić (srebrna, kategorija-kate, dječaci 9 godina); Leila Begić (Zlatna, kategorija-kate, djevojčice 10 godina); Esma Jašarević (bronzana, kategorija- kate, djevojčice 11 godina); Berina Jašarević (srebr-

na) i Jasmina Bajrić (bronzana – kategorija – kate, djevojčice 12 godina); Muhamet Keleštura (zlatna, kategorija-kate, dječaci 11 godina); Samra Mujić (bronzana, kategorija-borbe, kadetkinje + 54 kg); Amna Fetić (zlatna, kategorija - borbe, juniorke, - 59 kg), dok su Emina Šaćirbegović (kategorija-kate, djevojčice devet godina) i Maid Čivić (kategorija-borbe, dječaci 13 godina – 44 kg) poraženi u borbi za medalju. Prema programu takmičenja Karate saveza BiH takmičarska ekipa Karate kluba „Internacional“ nastupit će u Banjoj Luci 13. novembra.

Čelik i Borac remizirali

Nogometnici Čelika i banjalukačkog Borca na Bilinom polju su odigrali utakmicu bez golova. Time su crveno-crni nastavili seriju od sedam mečeva bez poraza, a aktuelni prvak naše zemlje uspio je osvojiti bod i ostati u borbi za vrh. Zenički premijerligaš uz to je i prekinuo neugodnu tradiciju, jer je Borac posljednje tri godine nosio puni plijen iz zeničkog hrama nogometa. Istina, ostaje žal za nerealizovanim šansama za pobjedu, i promašenom penalu, ali je bitno da su se momci Elvedina Beganovića dugli iz pepela i katastrofalnog starta u novoj sezoni, i pokazali da mogu daleko više od do sada prikazanog. Nakon svega, veli, može biti zadovoljan rezultatom, jer što je najbitnije ekipa je nastavila seriju bez poraza. U ovom



susretu debi u crveno-crnom dressu imao je Dario Damjanović, bivši reprezentativac naše zemlje koji je nakon šest mjeseci i raskida ugovora sa njemačkim Kajzerslauternom imao prvu zvaničnu utakmicu. Čelik u narednom kolu gostuje u Širokom Brijegu protiv istoimene ekipе gdje će pokušati nastaviti seriju bez poraza.

Pobjeda bh ragbista

Pobjedom u Bratislavu nad selekcijom Slovačke rezultatom 48:15 (21:0), ragbi reprezentacija Bosne i Hercegovine postala je pobjednik „Grupe 3“ Evropskog ragbi prvenstva. Strijelci za pobjedu naše selekcije bili su: Amir Mujić, Vahdet Kokić i Sedad Tufekčić po pet, Armin Vehabović 18 i Sead Kadić 15 poena. Od prvih minuta naši su

reprezentativci zaigrali ofanzivno i iznenadili ekipu Slovačke, koja se nadala da bi mogla nadoknaditi poraz od prošle godine u Zenici. Ovom pobjedom naša najbolja vrsta u ragbiju stekla je pravo da u okviru naредnog Evropskog prvenstva nastupa u „Grupi 2“ sa reprezentacijama Kipra, Norveške, Bugarske, Grčke, Finske i Luksemburga.

CRVENA JABUKA
Petak, 04.11.2011. ARENA ZENICA

Predprodaja ulaznica ispred robne kuće "Bosna", u poslovnicama BISTURS-a i šoping centar Džananović. Prodaja ulaznica počinje 24.10.2011. g. Start: 20:00h

Javninski avaz PINK BH RTV GTO zetit 4radio RADI BOSNICA RADIČ RINGO SHOP JUNČEVIĆ & BUBA QUEENSTRADA ALMY BERAI MUSIC

Prve pobjede Čelika i Krajišnika

Ekipe zeničkog Čelika i banjalučkog Mladog Krajišnika su u okviru 2.kola Međunarodne ženske regionalne košarkaške lige u kojoj učestvuju klubovi iz Srbije, Slovenije, Crne Gore i BiH došli do prvih pobjeda. Oba tima slavila su na domaćem parketu protiv beogradskog Radivoja Koraća (68:60 za Čelik), odnosno novosadske Vojvodine NIS (70:56 za Krajišnik). Treći predstavnik naše zemlje Sloboda iz Bosanskog Novog doživjela je i drugi poraz, ovaj put na gostovanju kod Hemofarma iz Vršca (94:56). U ostalim mečevima 2.kola Athlete Celje je savladalo Budućnost iz Podgorice rezultatom 87:73, a



Partizan Galenika ekipu Voždovca sa 82:76. Kada je u pitanju meč između Čelika i Radivoje Koraća najbolja u dresu domaćih bila je Ruskinja Ana Tolikova sa ubačenih 22 poena (uz 7 skokova), a slijedile su je playmakeri Tamara Bajić sa 10 i Marina Ristić sa 9 poena.

Boravak u prirodi

Sportsko - edukativno - adrenalinski centar Kluba ekstremnih sportova Scorpio na Smetovima kod Zenice nedavno je posjetila grupa učenika naše najelitnije međunarodne škole – QSI Sarajevo. To je visoka američka internacionalna škola koju uglavnom pohađaju djeca stranih diplomata u BiH. U tri dana, koliko je trajala škola prirode na Smetovima, ukomponovali su dio svog redovnog školskog programa koji je bio planiran za boravak u prirodi, sa svim onim elementima centra Scorpio kojima je cilj psihofizički razvoj djece i prižavanje samom boravku u prirodi, ali i antistres program koji



je sada trend u svijetu. Sa ovom djecom radila je udarna ekipa stručnog tima Scorpio u kojoj su, osim čelnog čovjeka zeničkih škorpija, Edina Durme, bili zaduženi i profesor Jure Primorac, Massimo Morati, Igor Prmorac, tri puta proglašavani za najboljeg sportskog penjača BiH Armin Gazić, i najbolji ekstremni sportaš BiH u svoje vrijeme Ernad Ibrahimović.

Nove aktivnosti Škole sporta



Polaznici Škole sporta iz Zenice, koju organizuju i vode profesori tjelesnog i zdravstvenog odgoja članovi Društva pedagoga fizičke kulture Zenica, tokom oktobra imaju priliku proći i obuku plivanja. Svake subote je organizovan odlazak na bazen Franšiznog centra pokraj Viteza, gdje se vrši obuka plivanja. U ugodnom ambijentu zatvorenog bazena polaznici prolaze osnovnu obuku održavanja na vodi i tehnika sportskog plivanja. U zavisnosti od stepena njihovog znanja polaznici su podijeljeni u četiri-pet grupe, a svaku od grupe vodi jedan profesor. Do sada je prve časove plivanja

u dvije grupe uspješno prošlo 64 polaznika. Obuka plivanja nastavlja se svake subote, a ovo je samo jedna od planiranih aktivnosti u okviru škole sporta koja će se održavati tokom školske godine. Uslovi na bazenu su idealni za obuku, a sigurnosti je posvećena velika pažnja. Temperatura vode u bazenu je 27 °C a u dijelu bazena gdje se radi sa najmlađima još i toplija. Prijave su na bazi jednog odlaska, a primaju se do četvrtka. Polazak je subotom u 10 sati sa parkinga Kamberovića polja. Boravak u bazenu je od 11,00 do 12,40 a povratak u Zenicu je predviđen do 13,50.

DIGITALNE FOTOGRAFIJE

Format 10x15
0,20 KM
Kodak Express Digital Solutions

TC DŽANANOVIĆ
TEL. 032/246-180
ZUNICZENICA@BIH.NET.BA

URADITE 100 FOTOGRAFIJA ZA SAMO 20 KM

SVAKE NEDELJE AKCIJA

FOTOGRAFIJE 10x15 cm

* Sa svih vrsta digitalnih media

0,20 KM

samo

FOTO ZUNIC

AKCIJA

KONČAR

1.-31.10.2011.

Oznaka 50054-1 akcija
Štednjak električni
SE 5040 BV6 Hansa/Končar

373,00

299,00

Oznaka 50051 - akcija
Štednjak električni
SE 5640 BK3/bijeli Končar

390,00

Oznaka 50060 - akcija
Štednjak kombinirani
SE 5622 BK3/bijeli Končar

439,00

384,00

snaga grupe
franšizna mreža
Economic®

ECONOMIC d.o.o., PC 96, 72250 Vitez, BiH
tel: +387 30 718 333, +713 748 fax
www.economic.ba


Navedene cijene u KM s 10% PDV-om!

NAPRAVITE POSTER OD VAŠIH FOTOSA
ŠTO VEĆI TO BOLJI

MOŽEŠ IKAZOZDNUJAPET

B Panelba
Tel. 032/411201

VAŠE USPOMENE NA VAŠEM ZIDU



Vodoravno: 1. Enzim koji izlučuje pankreas; 6. Islamski vjerski službenik; 7. Uodolina u kopnu ispunjena stajaćom vodom; 9. Inicijali glumca Marvina; 10. Luka u Crnoj Gori; 11. Vjersko pranje prije molitve; 13. Key Account Representative, skr.; 14. Lična zamjenica; 15. Osobina onih koji, bez ikakvih obzira, love zvanja i položaje, fr.; 19. Internet domena Finske; 21. Dio pribora za šivenje; 22. Pramjera, osnovna mjera; 24. Upitna zamjenica; 25. Rijetkost, lat.; 27. Rights Encryption Key, skr.; 28. Šumar; 30. Nazivati imenom; 33. Na jeziv način; 34. Susjed Irana; 36. Napad; 37. Planina u Dinarskom gorju; 39. Ukošena slova; 41. U tom trenutku, tada; 42. Oni koji u sebi nose зло; 43. Kiosk.

Uspravno: 1. Ime i prezime ličnosti sa slike; 2. Panoramic Imaging Zone, skr.; 3. Jednostanična praživotinja, mn.; 4. Zacijseliti, izlječiti; 5. Dio vozila iznad točka, koji vrši amortizaciju; 8. Zabranja uvoza ili izvoza; 12. Metoda vojne obuke; 16. Varenje mlijeko; 17. Vođa Huna "Bič Božji"; 18. Prvi kanonski čas u kat. crkvi; 19. Zalog u društvenoj igri; 20. Internet domena Indije; 23. Praviti leguru; 26. Mjera za tekućinu; 27. Sjeći; 29. Zamjenica kralja i topa u šahu; 31. Ostatak metana; 32. Posuda za vodu; 35. Mjera za papir; 38. Informativna katolička agencija, skr.; 40. Oznaka za Litvaniju.

Rješenja iz prošlog broja: empora, s, etan, aurora, dč, kil, hemato, ene, eg, č, cetingrad, ilir, jaruga, me, otesati, oporo, idila, vrt, nubilan, iščas, vino, čaća, oroz, n, vipera, aus, ba, akademka.

IMPRESSUM: Magazin Superinfo izdaje "SUPERINFO" d.o.o. Zenica, Štrosmajerova 11. (zgrada Izgradnje, II sprat). www.superinfo.ba; superinfo@superinfo.ba; Reg.br. 043-0-Reg-06-002101, Matični broj 1-9625; PDV broj: 218552430000; Direktor **Feđa Jovanović**, Tel. 061/788-088, 063/992-101; finansije **Zumreta Tušekić**, Tel. 063/992-102; urednik izdanja **Ibrahim Muratović**, Tel. 063/992-101; pomoćnik urednika: **Ermina Smajlagić**, Tel. 063/992-104; tehnički urednik: **Selver Omerović**, Tel. 063/522-922; marketing: **Canita Babić**, Tel. 063/693-808; Tiraž izdanja: 20.000 primjeraka; Štamparija Unioninvestplastika d.d. Semizovac bb, Reg. br. 1-1794

Vrhunsko grijanje za stambene i poslovne prostore



NOBEL

CORPORATION

tel: 036/328-044

fax: 036/320-556

mob: 063/312-605

www.nobel.ba

Osnovne karakteristike:

- niski troškovi u startu
- bez cijevi i kotlovnice
- izuzetno brza ugradnja
- ekološki proizvod
- povoljna cijena
- bezopasan za djecu
- potpuno bešuman rad
- ušteda prostora
- lako mobilan
- niska potrošnja
- atraktivan dizajn
- dug vijek trajanja
- bez održavanja
- osiguran servis
- osigurani rezervni dijelovi
- 24 mjeseca garancije

Konvektori
 **atlantic**

Besplatna
dostava za 24h

TELEKABEL



KABLOVSKA TELEVIZIJA

Vrhunski kvalitet slike i zvuka

ANALOGNA CATV za 12 KM mjesечно

(uz jednu pretplatu - mogućnost nesmetanog praćenja
48 najgledanijih TV kanala na više televizora u stanu korisnika)

Preporučujemo:

Našim korisnicima analogue CATV uz novi ugovor i mjesecnu naknadu od + 4 KM na postojećih 12 KM

DIGITALNA CATV za 16 KM mjesечно

uz besplatno korištenje jednog SET-TOP box-a

86 kanala u SD i 5 kanala u HD rezoluciji uz postojećih 48 kanala analogue CATV na više televizora

* U sve naše cijene uračunat je PDV od 17%

Programska šema digitalnog paketa

1	BHT	20	Discovery Channel	39	RTCG	58	Saudi 1	77	Romantica
2	FTV	21	CNN	40	BN Music	59	TRT 1	78	Sci-Fi
3	PINK BH	22	JimJam	41	Happy TV	60	TRT Turk	79	Davinci Learning
4	OBN	23	Animal planet	42	DM SAT	61	TVE Internacional	80	B92 INFO
5	TV SA	24	MiniMax	43	Balkanika	62	TV 5	81	National Geographic Wild
6	BN TV	25	Universal Channel	44	VIVA	63	VOX	82	Baby TV
7	NTV IC Kakanj	26	EuroSport	45	MTV Adria	64	Arena Sport 3	83	Outdoor
8	RTRS	27	EuroSport 2	46	ALFA	65	Arena Sport 4	84	VH1 Classic
9	HAYAT	28	SCT HQ	47	TOP Music	66	RTL	85	ATV
10	HRT 1	29	SCT 7	48	HEMA	67	RTL 2	86	Al Jazeera Balkans
11	HRT 2	30	Tv1	49	Travel & Living	68	SUPER RTL		
12	Discovery ID	31	Interni Kanal	50	Slo 1	69	SAT 1		
13	OTV Valentino	32	ArenaSport 1	51	Slo 2	70	PRO Sieben		
14	HD Music	33	ArenaSport 2	52	RAI 1	71	Kabel Eins		
15	Nova TV	34	RTS 1	53	Fashion TV	72	Bloomberg Euro	87	ArenaSport 1
16	RTL Televizija	35	RTS 2	54	MKTV SAT	73	Extreme Sport	88	ArenaSport 2
17	National Geographic	36	RTS Sat	55	Atlas TV	74	Reality	89	ArenaSport 3
18	RTV ZE	37	B92	56	ARD	75	Food Network	90	ArenaSport 4
19	Cartoon network	38	Kanal D	57	Al Jazeera	76	MGM	91	Outdoor

Programi u HD rezoluciji

dostupni su našim korisnicima koji posjeduju TV prijemnik sa DVBC tunerom, u okviru iste mjesecne naknade

HD	ArenaSport 1
HD	ArenaSport 2
HD	ArenaSport 3
HD	ArenaSport 4
HD	Outdoor